

SESOTHO & SETSWANA


Kgotso Moithuti wa Sehlopha sa 12!

Se latelang ke sesebediswa se tla o nnetefaletsa hore o ents'e mesebetsi yohle e hlokalahalang selemong sena:

O TSHWANETSE HO BA LE:


- ➔ Buka e reretsweng ho o ruta puo le ho bala.
- ➔ Dibuka tse ding ntle le tsa sekolo tse kenyeletsang dimakasine le dikoranta
- ➔ Bukantswe/tlotlontswe ya puo.
- ➔ Dibuka tsa dingolwa tse balwang sekolong: Tutudu ha e patwe; Lejwe la kgopiso le Melodi ya thothokiso.

Dibukeng tsa dingolwa, ho ithutwa mawa a latelang a bongodi:



Poloto le sekapoloto (tlhekelo, tlhahiso le kamano ya baphetwa, tikoloho (maemo, sebaka & nako), sesosa sa kgohlano, tharahano – ho rarahana hwa diketsahalo, sehlohlolo, mothipoloho, phethelo/tharollo, Setaele - lewa la bongodi la ho tsebela mmadi pele (puisano/boipuiso) le la ho hetla morao, karaburets'o, maele/dikapolelo, dikapuo; Popeho le kgolo ya dibapadi/baphetwa; Seabo sa mopheti le ntlhakemo ya mongodi; Mookotaba le molaetsa; Boitshetleho, le mookotaba; Maikutlo le sehlo; Mothinya le sephetho se sa lebellwang; Ditaello tsa kalaneng; Tomatso tshwatshisong.

Dithothokiso (Melodi ya thothokiso):



Moelelo o otlohlileng/totobetseng; Moelelo o hlalishwang ke tshebediso ya puo ya bonono/o akanngwang/o patehileng; Sehlo; Maikutlo/thanyo; Mookotaba; Molaetsa; Karaburets'o; Dikapuo; karaburets'o; kgetho ya mantswe; disebediswa

tsohle tsa bonono le bokgabo, mmoho le karabelo e bontshang ho ameha maikutlong, melathothokiso, mantswe, ditemanathothokiso, kgokahano ya mela, matshwao a puo, phetapheto (hlaahlela), disebediswa tsa modumo (poeletsamodumo/alithereishene, poeletsadumanosi (asonense) le poeletsadumammoho (khonsonense), raeme/morumo, morethetho; enjambamente (pholletso/ pholletsi/ motjetje/ molamotjetje

Sebedisa:

- ➔ mawa a ho bala
- ➔ hlalosa meelelo ya ditema – tse ngotsweng, tse bohulang, tse mamelwang, tse mamelwang hammoho le ho bohulwa tshebediso ya puo le ditshwantsho ditemeng
- ➔ dibopeho tsa ditema
- ➔ ditema tsa kgokahano

Ho ngola:

- ➔ bokgoni ba ho etsa dipatlisiso
- ➔ moralo wa ho ngola
- ➔ ho ngola sehlahiswa kapa dihlalishwa tse mmalwa e le leano la ho ngola sehlahiswa se phethahetseng
- ➔ ho lekola diphoso

Tshebediso ya puo

- ➔ hlwaya & hlalosa meelelo ya mantswe o a sebedise ka nepo
- ➔ dipolelo
- ➔ boitemohelo bo hlokolosi ba puo

TSE HLOLWANG:

KOTARA YA 1	KOTARA YA 2	KOTARA YA 3
Orale (15)	Dingolwa (35)	Orale (10)
Moqoqo (50)	Orale (ho bala ho sa hlophiswang) (10)	Tlhahlobo ya boitokisetso
Tema ya kgokahano (25)		
Orale (15)		
Teko (35)		

MALEBELA:

- ➔ Dilemong tse fetileng ho hlokomlehile hore baithuti ba bangata ba ba le pharela dibukeng. Haeba le wena o na le bothata bo tshwanang, iphe nako e ngata ya ho bala dibuka tsena o be o di phete makgetlo. Botsa titjhere ya hao le a mang a rutang Sesotho mme o tla buleha mahlo haholo.
- ➔ Ikwetlise ka ho bala dipampiri tsa dilemo tse fetileng o tle o bone hore ditebello ke dife mabapi le ho araba dipotso tse fapaneng.
- ➔ Bala! Bala! Bala!

RWALLA LE SA TJHABILE, THOTA HA E SA LE TELELE KAPELE!